



**Akiliut atorlugu aningaasartuutit, ilassinninnermut aningaasartuutit kiisalu angalanermut aningaasartuutit ilassutitallit Naalackersuisutut sulinermut atatillugu aningaasartuutit qaammatit pingasukkaarlugit tamanut takusassiarisalnissaat anguniarlugu Naalackersuisut siunnersuusioqqullugitpeqquneqarnissaannik Inatsisartut aalajangiiffigisassaattut siunnersuut. Siunnersuut saqqummiunneqassaaq UPA2020-mi.**

(Inatsisartunut ilaasortaq Tillie Martinussen, Suleqatigiissitsisut)

(Siullermeerneqarnera)

Demokraatini sapinngisamik annerpaamik ammasumik paasiuminartumillu ingerlatsisoqarnissaa kissaatigaarput isumaqaratta taamaaliornikkut pisortat aningaasaataannik atonerluisoqarsinnaanera pingitsoortinneqarsinnaasoq, takinerusariaqanngilaq naannerunanilu. Tamatta soqutigisariqarparput pisortat aningaasaataannik atonerluinerup unitsinneqarnissaa.

Demokraatiniit isumaqarpugut kikkulluunniit ajornanginnerpaamik takusinnaasariaqaraat Naalackersuisunut ilaasortanut aningaasartuutit qanoq sumullu atorneqartarnersut. Ajoraluartumimmi ukiut ingerlanerini takusarsimavagut kusanaatsumik ingerlatsitsisoqartarnera. Tamanna pinaveersimatikkusupparput, pisartut kusanaatsut pissutaallutik innuttaasut politikerinut isiginninnerat ajortittarmat. Tamanna pisariaqartuusoq avaqqussinnaanngilarput.

Matumani siunnersuutigineqarpoq aningaasartuutaasut suulluunniit nittartakkami pineqartumut atorneqartussami takuneqarsinnaasarnissaat. Massakkorluinnaq oqaatigisinnaanngilarput aaqqiissutissaq suna pitsaanerpaassanersoq tunngaviumillu isumaqatigaarput aaqqiissutissamik nassaartoqartariaqartoq. Suliani taamaattumik ammasuunissaq paasiuminartuunissarlu pisariaqarlunnarput. Demokraatinut pingaartorujussuuvoq pineqartumut eqqortumik atorluarsinnaanerpaamillu aaqqiissutissamik nassaarnissarput.

Taamaattumik isumaqarpugut ataatsimiititaliami sulinermi eqqarsaatigilluarneqassasoq qanoq iliorutta aaqqiissutissamik pitsaanerpaamik nassaarsinnaassanersugut, qularnaarumallugu Naalackersuisut ataasiakkaat aningaasanik atuinerat pillugu paasissutissanik kikkut tamarmik aallersinnaanissaat. Qilanaarluta ataatsimiititaliap sulinerata inernissaa utaqqissavarput.

Taamatut oqaaseqarluta siunnersuut Inatsisinut Ataatsimiititaliamut suliareqqitassanngorlugu innersuupparput.